



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

კადომცევ-ფეტვიაშვილის განტოლება

კადომცევ-ფეტვიაშვილის განტოლება, მათემატიკასა და ფიზიკაში კერძონარმოებულებიანი დიფერენციალური განტოლება, რომელიც აღწერს არანრფივ ტალღებს სუსტი დისპერსიის მქონე ორგანზომილებიან გარემოში: $\partial_x(\partial_t u - \kappa \partial_x u - d_{xxx} u) = 3\alpha^2 \partial_{yy} u$, სადაც $u = u(t, x, y)$ - t დროზე და სივრცულ x, y კოორდინატებზე დამოკიდებული საძიებელი ფუნქციაა; კოეფიციენტი α (საზოგადოდ, კომპლექსური რიცხვი) ახასიათებს გარემოს დისპერსიის თვისებებს. გამოიყვანეს 1970 ბ. კადომცევმა (1928-98) და ვ. ფეტვიაშვილმა. კ.-ფ. განტოლება განაზოგადებს მსგავსი შინაარსის მქონე კორტევეგა დე ვრიზის განტოლებას (1885), რ-იც აღწერს ერთგანზომილებიან სისტემებს. ამის გამო კ.- ფ. განტოლებას ზოგჯერ უწოდებენ კორტევეგა დე ვრიზის ორგანზომილებიან განტოლებას. მიეკუთვნება განტოლებათა კლასს, რ-თა ამოხსნა მოიძებნება გაბნევის შებრუნებული ამოცანის მეთოდით. კ.- ფ. განტოლება აღწერს ჰამილტონურ სისტემას, რ-საც გააჩნია მოძრაობის ინტეგრალთა უსასრულო რაოდენობა; ამათგან ინტეგრალებს $\partial_t \int u^2(t, x, y) dx dy = 0$ და $\partial_t \int [(\partial_x u)^2 - 2u^3 - 3\alpha^2 \omega^2] dx dy = 0$ და აქვს იმპულსის და ენერგიის მუდმივობის კანონების შინაარსი იმ გარემოსთვის, რ-საც აღწერს ეს განტოლება (აქ $\omega = \frac{1}{2} \partial_y u$; $x u_y(t, x, y) dx$). კ.-ფ. განტოლება უკავშირდება მრავალ ცნობილ განტოლებას: კორტევეგა დე ვრიზის ჩვეულებრივ და რადიალურ განტოლებას, ბუსინესკის განტოლებას (კ.-ფ. სტაციონარული განტოლება) და სხვ. ნაპოვნია კ.-ფ. განტოლების რამდენიმე ზუსტი ამონახსნი, მ. შ. ერთგანზომილებიანი სოლიტონი, რ-იც არამდგრადია ორგანზომილებიანი შემფოთებების მიმართ გარემოში დადებითი დისპერსიით (როცა $\alpha^2 > 0$), და მდგრადია გარემოში უარყოფითი დისპერსიით (როცა $\alpha^2 < 0$) კ.-ფ. განტოლებით შეიძლება აღიწეროს, მაგ., გრძელი ტალღები წყლის ზედაპირზე (სურ.), ასევე ტალღები ფერომაგნიტურ გარემოში, მაღალი სიმკვრივის პლაზმაში და სხვ.

ლიტ.: К а д о м ц е в Б. Б., П е т в и а ш в и л ი В. И. Об устойчивости уединенных волн в слабо диспергирующих средах. «Доклады АН СССР», т. 192,с. 1970; N o v i k o v S. P. Algebraic-Geometric Solutions of the Krichever-Novikov Equation, «Theoret. Math. Phys», 1999; vol. 121, W e i s s t e i n, Eric W., Kadomtsev-Petviashvili equation, [http://mathworld.wolfram.com/Kadomtsev-Petviashvili](http://mathworld.wolfram.com/Kadomtsev-PetviashviliEquation.html) Equation.html.

ჯ. ჯავახიშვილი
